

Na mílte deis le buachan gach seachtain

Cuirfear gach Duaisbhanna aonair atá agat i dtarraingt duaise sheachtainiúil.

Bíonn na mílte duais airgid le buachan gach seachtain.

A mhéid Duaisbhannaí a bhíonn agat is ea is mó deiseanna a bhíonn agat le buachan.

Is iad na duaiseanna:

€500,000

Is é an phríomhdhuais sa tarraingt dheireanach de gach mí ná **€500,000**.

Duaiseanna Seachtainiúla

- €50,000** x 1 duais
- €1,000** x 20 duais
- €500** x 20 duais
- €75** x Gach duais eile



Is iad táirgí Coigilteas Stáit:

		Táirgí Coigilteas Stáit
Toradh Iomlán ¹	AER ²	RÁTA SEASTA, TÉARMA SEASTA
4.00%	1.32%	Bannaí Coigiltis ³ 3 bliana
9.00%	1.74%	Cairteacha Coigiltis ³ 5 bliana
22.00%	2.01%	Banna Dlúthpháirtíochta Náisiúnta ³ 10 mbliana
10.00%	1.75%	Tráthchoigiltis ^{3,4} 6 bliana (I GCOMHAIR SOCHAR LINBH FREISIN)
		RÁTA ATHRAITHEACH ⁷
0.75%		Cuntas Taisce ⁵
1.00%		Duaisbhannaí ⁶

¹ Rátaí éifeachtach ón 1 Deireadh Fómhair 2023.

² AER = "Ráta Coibhéiseach Bliantúil".

³ Níl sé faoi réir cáin in Éirinn ach feic Coinníoll 4 Cánachas sna Coinníollacha ar leith.

⁴ Coigil in 12 thráthchuid agus fág ar feadh 5 bliana.

⁵ Faoi réir DIRT (Cáin Choinneála ar Ús Taisce) ag an ráta tráthúil.

⁶ Duaisbhannaí – is é 1.00% an ráta athraitheach a úsáidtear chun an duaischiste a ríomh. Bíonn 12 dhuais €500,000 ann in aghaidh na bliana agus na mílte duais sheachtainiúil. Ní iocfar aon ús le sealbhóirí Duaisbhanna. Ina ionad sin, iocfar ús isteach sa duaischiste míosúil, le seachadadh ar na buaiteoirí sa tarraingt sheachtainiúil.

⁷ Is é is ciall le Ráta Athraitheach gur féidir leis an NTMA an ráta úis a iocfar ar an táirge seo a athrú ó am go ham. Cuirfear na hathruithe sin in iúl ar cheann de na bealaí seo a leanas ar a laghad: foilsíú i nuachtán náisiúnta, foilsíú ar StateSavings.ie nó fágá ar aon bhealach eile.

Liostaítear Bróisiúir agus Foirmeacha Iarratais do Tháirgí Coigilteas Stáit thuas agus tá siad ar fáil in aon Oifig Phoist nó ar líne ag StateSavings.ie agus tá táirgí Coigilteas Stáit faoi réir Théarmaí agus Coinníollacha agus an reachtaíocht ábhartha. Tá ár leabhrán Téarmaí agus Coinníollacha le fáil ar líne agus in Oifigí Poist.

I gcomhair tuilleadh eolais ar Coigilteas Stáit

Gréasán: StateSavings.ie
Teileafón: 0818 20 50 60 / 01 705 7200
Ríomhphost: Service@StateSavings.ie
Tabhair cuairt ar: Aon Oifig Phoist
Post chuig: Coigilteas Stáit, GPO, Saorphost, Baile Átha Cliath 1, D01 F5P2

Tá táirgí Coigilteas Stáit faoi réir Théarmaí agus Coinníollacha agus an reachtaíocht ábhartha.

Bróisiúir NTMA 5
1 Deireadh Fómhair 2023



€500,000

Le buachan gach mí agus na mílte duais airgid gach seachtain.



Bróisiúir NTMA 5
1 Deireadh Fómhair 2023

Is gníomhairí iad An Post agus Cuideachta na nDuaisbhannaí de chuid Gníomhaireacht Bainistíochta an Chisteáin Náisiúnta

an
post

Cad is Coigilteas Stáit ann?

- Tá Coigilteas Stáit mar chuid d'Fhíochas Náisiúnta na hÉireann atá á bhainistiú ag Gníomhaireacht Bainistíochta an Chisteáin Náisiúnta (NTMA).
- Nuair a chuireann tú airgead isteach in Coigilteas Stáit tá airgead á chur agat díreach chuig Rialtas na hÉireann.
- Is dualgas díreach, gan choinníoll de chuid Rialtas na hÉireann atá in aisíocaíocht airgead Coigilteas Stáit ar fad.
- Áirítear le haisíoc do chuid airgid an phríomhshuim íocaíochtaí úis agus bónaís más dlite.

Cén chaoi gur féidir liom Duaisbhannaí a cheannach?

- Buail isteach in aon Oifig Phoist
- Ar líne ag StateSavings.ie
- Ar an nguthán 0818 20 50 60

Tá an réimse iomlán de tháirgí Coigilteas Stáit le fáil ar ár suíomh gréasáin StateSavings.ie

1. Custaiméirí Reatha

Féadfaidh custaiméir Coigilteas Stáit reatha a bhfuil an fhianaise aitheantais riachtanach againn dóibh cheana féin ceannach ar líne, tríd an bpost nó ag aon Oifig Phoist.

2. Custaiméirí nua nó daoine nár cheannaigh ó Dheireadh Fómhair 2014

a. Tabhair cóipeanna Bunaídh nó Deimhnithe díobh seo a leanas:

- Cruthúnas ar ainm (Pas nó Ceadúnas Tiomána AE reatha)
- Cruthúnas ar sheoladh a eisíodh le sé mhí anuas (Bille Tí, Ráiteas Bainc, Litir ó na Coimisinéirí Ioncaim)
- Cruthúnas ar UPSP (Cárta Seirbhíse Poiblí, Litir ó na Coimisinéirí Ioncaim nó DEASP)

b. Foirm Iarratais Chomhlánaithe.

c. Tabhair an cháipéisíocht ar fad chuig d'Oifig Phoist áitiúil nó seol ar aghaidh chuig an seoladh ar leathanach 6.

d. I gcomhair Comhiarratais, ní mór don bheirt chustaiméirí freastal ar an Oifig Phoist chun Aitheantas a Dheimhniú.

Coigilteas Stáit ar Líne

Ceadaíonn Coigilteas Stáit ar Líne duit do shealúchais a amharc agus a bhainistiú cibé áit ina bhfuil tú. Íoslódáil ráiteas, amharc do dhuaiseanna le Duaisbhannaí, ceannaigh táirgí Téarma Seasta Coigilteas Stáit agus Duaisbhannaí, amharc d'idirbhearta, iarr aisíocaíocht chuig do chuntas bainc (sealúchais aonair), ath-infheistigh i dtáirgí eile Coigilteas Stáit agus tuilleadh. Téigh chuig statesavings.ie/register le clárú.

Uimhir Chustaiméara Coigilteas Stáit (SSCN)

Uimhir chustaiméara uathúil is ea an Uimhir Chustaiméara Coigilteas Stáit (SSCN) a shaináithníonn tú agus a chuireann ar do chumas idirbheartaíocht a dhéanamh linn go héasca. Beidh do SSCN priontáilte ar chomhfhreagras a fhaigheann tú uainn. Féach statesavings.ie/SSCN i gcomhair tuilleadh sonraí.

Téarmaí agus Coinníollacha

Tá Táirgí Coigilteas Stáit faoi réir Uasteorainneacha Sealúchais, Téarmaí agus Coinníollacha eile agus an reachtaíocht ábhartha. Tá ár leabhrán Téarmaí agus Coinníollacha le fáil ar líne agus in Oifigí Phoist.

Déan Teagmháil Linn

Déan teagmháil linn ar 0818 20 50 60, (Luan go hAoine) chun tuilleadh eolais a fháil. Tá sonraí teagmhála breise ar Leathanach 6.

Cé mhéad is féidir liom a cheannach?

Díoltar Duaisbhannaí in aonaid €6.25 an ceann.

Is ionann an t-íoscheannach agus €25 (4 aonad).

Is ionann an t-uas-sealúchas do Dhuaisbhannaí a chláraítear i d'ainm don chéad uair ar an 1 Samhain 2015 nó ina dhiaidh agus €250,000. Níl aon teorainn le sealúchais cláraithe i d'ainm roimh an 1 Samhain 2015.

Chun tuilleadh Téarmaí agus Coinníollacha a bhaineann leis na teorainneacha a fheiceáil feic cuid 3 ar chúl na foirme iarratais.

Féadfaidh tú Duaisbhannaí a aistriú go hairgead ag am ar bith tar éis 90 lá ó cheannaíonn tú iad.

Seans le buachan gach bliain

Bíonn tú incháilithe le buachan gach seachtain chomh fada is go mbíonn na bannaí agat. Féadfaidh tú na Duaisbhannaí a choinneáil gan chríoch. Tá na mílte duais airgid le buachan i ngach tarraingt sheachtainiúil.

Tá na duaiseanna saor ó cháin

Níl na duaiseanna faoi réir chánach in Éirinn.

Tarraingt na nDuaisbhannaí

Déantar an tarraingt gach seachtain, ar an Aoine go hiondúil. Iontráiltear Duaisbhannaí go huathoibríoch i ngach tarraingt agus bíonn na mílte duais airgid gach seachtain.

Bronntar duais €500,000 sa tarraingt sheachtainiúil dheireanach de gach mí. Coimeádann an NTMA an ceart chun líon agus luach na nduaiseanna a leasú i gcónaí.

Conas a ríomhtar an Duaischiste?

Déantar luach an duaischiste míosúil a athríomh ag tús gach mí trí ráta úis inathraitheach (1.00% faoi láthair) a chur i bhfeidhm ar luach gach Duaisbhanna atá fágtha ag deireadh na míosa roimhe. Ag am ar bith féadfaidh NTMA an ráta athraitheach céatadáin a úsáidtear chun an duaischiste a ríomh a leasú, luach na nduaiseanna agus struchtúr na nduaiseanna a athrú. Fógrófar aon athrú den chineál sin sna meáin príomhshruitha agus ar StateSavings.ie

Fógra maidir le Duaiseanna

Cuirtear na buaiteoirí duaise ar fad ar an eolas tríd an bpost.

Tá liosta iomlán de na huimhreacha a bhuann ar fáil ar ár suíomh gréasáin StateSavings.ie

Faigh fógraí tráthúla maidir le do dhuaiseanna trí chlárú le haghaidh Coigilteas Stáit ar Líne áit ar féidir leat sonraí do dhuaiseanna a fheiceáil.

Má theastaíonn tuilleadh eolais uait faoi do Dhuaisbhannaí a bhuaigh, téigh i dteagmháil linn (feic leathanach 6 i gcomhair sonraí teagmhála).

Rogha Íocaíochta Duaise

Le feidhm ó mhí Feabhra 2020, cuireadh stop le híocaíocht duaiseanna le seic. Ath-infheisteofar duaiseanna i nDuaisbhannaí nua go huathoibríoch. Dá mba mhian leat na duaiseanna a lóisteáil chuig cuntas bainc i d'ainm, comhlánaigh na sonraí i gCuid 4 ar an bhFoirm Iarratais ar Dhuaisbhannaí agus soláthair cóip de cheanntásc ráiteas bainc a fhíoraíonn an sealbhóir/na sealbhóirí cuntais más ábhartha.